

**Հայրենական բիզնեսը դեռևս չի «հասունացել, որպեսզի ֆինանսավորի իր համար կարելիոր գիտահետազոտական աշխատանքները**

NEWS.am-ի հարցազրույցը ՀՀ Գիտության պետական կոմիտեի նախագահ, ֆիզմաթ. գիտությունների դոկտոր, պրոֆեսոր Սամվել Հարությունյանի հետ:

**Պարոն Հարությունյան, անցած տարվա հոկտեմբերին «Ռոսսոտրուդնիչեստվո» դաշնային գործակալության ղեկավարի տեղակալ Իգոր Մորոզովը հայտարարել էր Հայաստանում ռուս-հայկական նորարարական կենտրոնի ստեղծման մասին, որը գործելու է Գիտության եւ մշակույթի ռուսաստանյան կենտրոնի հիման վրա: Ո՞ր փուլում է գտնվում այդ նախագիծը:**

Ինչպես սպասվում է, ռուս-հայկական նորարարական կենտրոնը կսկսի գործել արդեն ընթացիկ ամսում: Կենտրոնի աշխատակազմի թիվը դեռևս մեծ չէ, սակայն հետագայում, ամենայն հավանականությամբ, կավելանա: Նշեմ, որ նմանօրինակ կենտրոնի ստեղծման հարցը երկու երկրների նախագահները բարձր մակարդակով քննարկել էին ավելի վաղ, ինչին հետևել էին մեր կառավարությունների երկարատև քննարկումները: Ավելացնեմ նաեւ, որ կենտրոնի ստեղծմանը մեծ աջակցություն է ցուցաբերել մեր հայրենակից, միջուկային հետազոտությունների ինստիտուտի ղեկավար, ակադեմիկոս Ալեքսեյ Սիսակյանը: Բոլոր այս քննարկումների արդյունքում որոշում է ընդունվել Հայաստանի մայրաքաղաքում նմանօրինակ կենտրոնների ստեղծման առաջին պիլոտային ծրագրի գործարկման վերաբերյալ:

**Ինչո՞ւ է այս ծրագրի իրագործման համար ռուսական կողմը ԱՊՀ երկրների շարքում ընտրել հատկապես Հայաստանին: Մենք Ռուսաստանի հետ ընդհանուր սահմաններ չունենք, տարածքային եւ բնակչության թվի առումով մեր միջեւ հսկայական տարբերություն կա...**

Զմոռանալը, որ ԽՍՀՄ երկրների շարքում Հայաստանն ավանդաբար առաջին տեղերից մեկն էր զբաղեցնում հազար մարդու հաշվարկով ունեցած գիտնականների թվով: Իսկ դա խոսում է մեր երկրի գիտական հզոր ներուժի մասին: Այնպես որ, տարածքի եւ բնակչության թվի գործոններն այստեղ զգալի դեր չեն խաղում: Ցավոք, մեր տաղանդավոր գիտնականների մի մասը ավելին վաստակելու համար մեկնել է աշխատանք են գտել արտերկրում: Սակայն հույս կա, որ այս նախագծի իրականացմամբ նրանցից շատերը կվեադառնան հայրենիք: Առավելություններ ունի նաեւ երկրի տարածքի փոքր լինելը: Այդ դեպքում ուսումնասիրություններ իրականացնելն ավելի հեշտ կլինի:

Իհարկե, նախագիծը չի սահմանափակվի միայն Հայաստանով: Հեռանկարում նմանօրինակ կենտրոններ կբացվեն նաեւ ԱՊՀ այլ երկրներում, ինչպես նաեւ Գերմանիայի մայրաքաղաքում: Այս ամենը կպարզվի հայաստանյան պիլոտային ծրագրի գործարկումից հետո:

**Կա՞ն կոնկրետ ծրագրեր, որ պատրաստվում է իրականացնել ռուս-հայկական կենտրոնը: Եւ արդյո՞ք նրա գործառնությունները սահմանափակվելու են միայն նորարարական ծրագրերով:**

Երկու-երեք ծրագրեր կան նաև նյութերի ոլորտից: Սակայն դեռևս վաղ է կոնկրետացնել ծրագրերի փաթեթը: Ռուսական կողմը մեզ ծրագրեր կառաջարկի, մենք կդիտարկենք, թե որքանով են դրանք նպատակահարմար ներդնել Հայաստանում: Բնական է, որ սրանով կենտրոնի գործառույթները չեն սահմանափակվի: Օրինակի համար, հայ երիտասարդ գիտնականների համար գիտական մենեջմենթի դասընթացներ կկազմակերպվեն, որոնք կանցկացվեն ռուս մասնագետների կողմից: Գաղտնիք չէ, որ գիտական շատ ուսումնասիրություններ գործնականում կիրառություն չեն գտնում ոչ ճիշտ մենեջմենթի պատճառով, ինչը վատ է անդրադառնում Հայաստանում գիտության կոմերցիալիզացիայի վրա:

**Որքանով հայտնի է, ԽՍՀՄ անկումից հետո Հայաստանում նորարարական ծրագրեր չեն իրականացվել:**

Դուք ճիշտ եք: Պատճառը շատ պարզ է. նմանօրինակ ուսումնասիրություններ չեն իրականացվել ֆինանսական միջոցների բացակայություն պատճառով: Չէ՞ որ նորարարական ծրագրերը, եկամտաբերության տեսանկյունից, «ռիսկային» խմբի մեջ են մտնում: Օրինակի համար, հարյուր նորարարական ծրագրերից գիտական փորձաքննությունն անցնում են տասը, իսկ արդյունավետ լինում է միայն մեկը: Բայց նրա իրացումից ստացված եկամուտները թույլ են տալիս հանել բոլոր ծախսերը:

**Հայաստանում վաղուց արդեն բիզնես-միջավայր է ձևավորվել: Գլոբալիզացիայի պայմաններում հրատապ է դառնում հայրենական ապրանքների ու ծառայությունների մրցունակության բարձրացումը: Կնպաստի՞ արդյոք դա նրան, որպեսզի տեղական գործարարներն ուշադրություն դարձնեն գիտությանը:**

Ցավոք, հայրենական բիզնեսը դեռևս չի «հասունացել», որպեսզի ֆինանսավորի իր համար կարելի է գիտահետազոտական աշխատանքները: Տեղական գործարարները ղեկավարվում են որքան հնարավոր է շահույթ ստանալու մղումով՝ այսօր գումար են ներդրել, վաղն արդեն ուզում են եկամուտ ունենալ: Այնպես որ, այս մասին չարժե խոսել: Սակայն ռուս-հայկական նորարարական կենտրոնի ստեղծմամբ նորարարական ծրագրերի ներդրման հարցը, ինչպես սպասվում է, կլուծվի: Չէ՞ որ ռուսական կողմը մեզ իր հսկա շուկան է խոստանում:

**Գիտության հարցերով պետական կոմիտեն վերջերս է ստեղծվել: Կա՞ն արդյոք օրենսդրական դաշտում գիտության ոլորտի աշխատանքներին խոչընդոտող բացթողումներ: Ասենք, հենց նորարարությունների ոլորտում:**

Այս հարցը շատ հրատապ է: Բնական է, որ ավելի վաղ ընդունված օրենքները, կառավարության որոշումներն ինչ-որ առումներով չեն նախատեսել մեր կազմակերպության գործառույթները: Օրինակի համար, կարծում եմ, որ օպտիմալ չեն Գիտության հարցերով պետական կոմիտեի եւ Էկոնոմիկայի նախարարության գործառույթների սահմանափակումները: Ինչպե՞ս են նախարարության մասնագետները գիտական նախագծերի փորձաքննություն անցկացնելու, պարզ չէ: Բացի այդ, այս փորձաքննությունների համար նախարարությանը պետք ունի միջոցներ չեն տրամադրվում: Այս հարցերը կարգավորման կարիք ունեն: